



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-I/21-3-40-498-4/21**  
Datum: **23.11.2021. godine**

„Agencija za vodno područje rijeke Save“ Sarajevo rješavajući po zahtjevu korisnika „Familija Liđan“ d.o.o. Cazin, za izdavanje vodne dozvole za aktivnosti koje mogu privremeno degradirati kvalitet voda, ili ometati poboljšanje njihovog postojećeg kvaliteta u postupku rada te ispuštanje tehnoloških otpadnih voda u prirodni recipijent sa lokacije objekta pogona za proizvodnju betona sa pratećim sadržajima, na osnovu člana 109. stav (1) tačka 2. i stav (2) tačka 1. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi:

### **RJEŠENJE** **o vodnoj dozvoli**

1. Daje se vodna dozvola korisniku „Familija Liđan“ d.o.o. Cazin, za aktivnosti koje mogu privremeno degradirati kvalitet voda, ili ometati poboljšanje njihovog postojećeg kvaliteta u postupku rada te ispuštanje tehnoloških otpadnih voda u prirodni recipijent sa lokacije objekta pogona za proizvodnju betona sa pratećim sadržajima, izgrađenog na zemljištu označenom kao k.č. broj 671/5 K.O. Vrelo (novi katastarski operat), odnosno k.č. broj 116/8 K.O. Vrelo (stari katastarski operat), Grad Cazin.
2. Ova vodna dozvola se odnosi isključivo na aktivnosti koje mogu privremeno degradirati kvalitet voda, ili ometati poboljšanje njihovog postojećeg kvaliteta u postupku rada te ispuštanje tehnoloških otpadnih voda u prirodni recipijent za predmetni poslovni objekt definisan tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav 2. tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
  - 3.1. Da korisnik predmetnih objekata pogona za proizvodnju betona, isti održava u funkcionalnom stanju i koristi u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole, te saglasnostima i dozvolama dobivenim od strane drugih nadležnih organa.
  - 3.2. Da se u roku važenja ovog rješenja izvrši izgradnja objekata za prikupljanje, tretman i ispuštanje prečišćenih otpadnih voda u recipijent sukladno izrađenoj projektnoj dokumentaciji: „Glavni projekt odvodnje oborinskih i fekalnih voda pogona za proizvodnju betona Liđan u naselju Vrelo, općina Cazin“, urađen od strane Zavoda za vodoprivredu d.d. Sarajevo pod brojem ZZV-KN-GP-426-01 od augusta/kolovoza 2010. godine, u Sarajevu.

Korisnik pogona mora izraditi završni vodonepropusni sloj te oivičenje na cijeloj površini internih saobraćajnih površina sa nivelacijom ka taložniku.
  - 3.3. Da se istrošena ulja, nauljene krpe i sav opasan otpad koji se može pojaviti u proizvodnom procesu i u procesu čišćenja i održavanja postrojenja i radnih mašina redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.

- 3.4. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i radnih površina nesmetano sakupljaju i odvedu do objekata predviđenih za tretman tehnoloških otpadnih voda (taložnici i separatori ulja i masti), a zatim tretirane vode ispuštaju u recipijent.
- 3.5. Objekte za prikupljanje, tretman i ispuštanje tehnoloških otpadnih voda (slivnici, rešetke, kanalizaciona mreža, uređaji za tretman i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
- 3.6. Da se oborinske vode sa krovova objekata kompleksa pakupe i zatvorenim sistemom kanizacionih cijevi odvedu direktno u recipijent, odnosno, prema rješenju datom u priloženoj projektnoj dokumentaciji.
- 3.7. Da se sa opasnim i štetnim materijama (aditivi betonu, i sl.) postupa savjesno pri skladištenju, transportu i pretovaru kako ne bi došlo do štetnih posljedice uslijed prosipanja istih, odnosno da se iste skladište u vodonepropusne AB tankvane do upotrebe.
- 3.8. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
- 3.9. Da se redovno vrši monitoring prečišćene oborinske onečišćene vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostavi Agenciji u skladu sa članom 23. stav (1) iste Uredbe.  
Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10).
- 3.10. Da se opasni materijal i otpad, koji nastaje na predmetnom lokalitetu, ne smije ni privremeno odlagati na česticu «vodno dobro», prostoru zaštitnih zona izvorišta vode za piće, odnosno u vodotok i na njegove obale.
- 3.11. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, pravno lice „Familija Liđan“ d.o.o. Cazin je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.

8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 129. stav (1) Zakona o vodama („Službene novine Federacije BiH“, broj 70/06 ) se daje sa rokom važenja od 3 (tri) godina, od dana pravosnažnosti ovog rješenja.
10. Prije isteka važnosti ove dozvole, pravno lice je dužno da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **O b r a z l o ž e n j e**

Pravno lice, „FAMILIJA LIĐAN“ d.o.o. Cazin, obratio se ovoj Agenciji dana 19.10.2021. godine zahtjevom za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i ispuštanje tehnoloških otpadnih voda sa lokacije objekta pogona za proizvodnju betona sa pratećim sadržajima, izgrađenog u naselju Vrelo, Grad Cazin.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Rješenja o upisu u sudski registar subjekta upisa, broj: U/I-822/99, izdano dana 27.10.1999. godine, od strane Kantonalnog suda Bihać,
- Ovjerena kopija Uvjerjenja o poreznoj registraciji, izdano dana 05.04.2012. godine, od strane Federalnog ministarstva finansija, Porezne uprave Federacije BiH– Kantonalni porezni ured BIHAĆ,
- Ovjerena kopija Uvjerjenja o registraciji/upisu u Jedinostveni registar obveznika indirektnih poreza, izdano od strane Uprave za indirektno-neizravno oporezivanje Banjaluka, broj 04/1-UPJR/1-3573-2/08, dana 23.05.2008. godine, u Banjaluci,
- Kopija naloga za plaćanje upravne pristojbe i federalna administrativna taksa,
- Kopija Rješenja, kojim se konstatira da investitor „Familija – Liđan“ doo Cazin, iz Vrela broj 16., ispunjava uslove za obavljanje registrovane djelatnosti uslužnog kompelsa – betonare, na zemljištu označenom kao k.č. 671/5 (podaci novog premjera), što po starom katastarskom operatu predstavlja k.č. broj: 116/8 K.O. Vrelo, općina Cazin; izdano od strane Kantonalnog ministarstva privrede Vlade USK izdano pod brojem 06/3-18-933-UP-1/01, dana 03.08.2001. godine, u Bihaću,
- Ugovor o zakupu poslovnog prostora postrojenja za proizvodnju betona – betonare, na lokalitetu u naselju Vrelo broj 16. u Czinu, na neodređeno vrijeme između Liđan Rasima kao zakupodavaoca i pravnog lica „Familija – Liđan“ doo Cazin kao zakupoprmaoca sačinjen 18.09.2011. godine u Czinu,
- Opšti akt o održavanju, korišćenju i osmatranju vodnog objekta i postupanje u slučaju kvara ili havarije na objektu; urađen oktobra 2015. godine, (na uvid),
- Glavni projekt odvodnje oborinskih i fekalnih voda pogona za proizvodnju betona „LIĐAN“ u naselju Vrelo, općina Cazin; urađen od strane Zavoda za vodoprivredu d.d. Sarajevo pod brojem ZZV-KN-GP-426-01, augusta/kolovoza 2010. godine (na uvid),
- Glavni projekat betonare, urađen od strane INŽINJERING BIRO „UNA“ pod brojem 3/00, dana 26-02-2000 (na uvid),
- Elaborat zaštite okoliša pogona betonare, urađen od strane „IN-EL – inžinjering“ – Bihać pod brojem 03 – EKO / 2007, januara 2007. godine u Bihaću (na uvid),
- Kopija rješenja, kojim se Liđan Smaila Rasimu iz Vrela daje odobrenje za izgradnju uslužnog kompleksa betonare, u naselju Vrelo, na zemljištu označenom kao k.č. broj: 671/5 (podaci novog premjera), što po starom katastarskom operatu predstavlja k.č. broj: 116/8, k.o. Vrelo,

a na osnovu tehničke dokumentacije – projekta za izvođenje izrađenog od strane projektnog biroa „UNA“ Cazin, pod šifrom 3/00; izdano od strane Odjeljenja za urbanizam i razvoj Službe za urbanizam, katastar, stambeno-komunalne, geodetske i imovinsko-pravne poslove općine Cazin pod brojem 05-23-674/2000, dana 25.04.2000. godine, u Czinu,

- Kopija rješenja, kojim se investitoru, Liđan Smila Rasimu iz Vrela, daje odobrenje na uspostavljeno stanje za izgradnju poslovnog objekta, namjenski za upravnu zgradu, u naselju Vrelo, na zemljištu označenom kao k.č. broj: 671/5, k.o. Vrelo, a na osnovu tehničke dokumentacije – glavnog projekta, izrađenog od strane ovlaštene projektne organizacije „ES“ Cazin, pod šifrom: ES-010/03; izdano od strane Odjeljenja za urbanizam i razvoj Službe za urbanizam, katastar, stambeno-komunalne, geodetske i imovinsko-pravne poslove općine Cazin pod brojem 05-23-1517/03, dana 04.06.2003. godine, u Czinu,
- Kopija Izvještaja o monitoringu kvaliteta i kvantiteta otpadnih voda pogona za proizvodnju betona „FAMILIJA LIĐAN“ Cazin; urađen od strane Inspekt – RGH d.o.o. Sarajevo pod brojem 601/21, dana 07.04.2021. godine, u Sarajevu,
- Kopija rješenja o okolišnoj dozvoli, kojim se izdaje obnovljena okolišna dozvola operatoru „Familija Liđan“ d.o.o. Cazin za pogon za proizvodnju betona na lokalitetu Vrelo, općina Cazin, na zemljištu označenom kao k.č. broj 671/5 k.o. Vrelo, kapaciteta 30 m<sup>3</sup>/h gotovog betona; izdano od strane Ministarstva za građenje, prostorno uređenje i zaštitu okoliša Unsko-sanskog kantona pod brojem 11/2-23-6088-UP-1/17, dana 25.07.2017. godine, u Bihaću,
- Kopija Rješenja o vodnoj dozvoli; izdano od strane Agencije za vodno područje rijeke Save Sarajevo pod brojem UP-I/25-3-40-513-6/18, dana 19.11.2018. godine,
- Zaključak o visini i roku za plaćanje posebnih troškova, izdan od strane ove Agencije, broj UP-I/21-3-40-498-2/21, dana 16.11.2021. godine, te kopija naloga za plaćanje istih.

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku, uvjetima i načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20), izvršen je pregled izgrađenog objekta pogona za proizvodnju betona sa pratećim sadržajima „Familija Liđan“ d.o.o. Cazin, i tom prilikom sačinjen zapisnik o uviđaju broj: UP-I/21-3-40-498-3/21 od 22.11.2021. godine. Dokumentacija dostavljena na uvid vraćena pravnom licu prilikom uviđaja uz pisanu evidenciju i potpis o povratu iste.

Poslovni objekt za proizvodnju betona „Familija Liđan“ d.o.o. Cazin, je izgrađen u naselju Vrelo, Grad Cazin. Pogon se sastoji od: - postrojenja za proizvodnju betona kapaciteta 30 m<sup>3</sup>/h (sa mješalicom za beton, protuprašnim filterom za zrak, hidrauličnim agregatom mješalice, sistemom za podmazivanje prstenastih brtvi, trakastim transporterima, skipom, vagom za doziranje agregata, vibratorom za pijesak, pužnim transporterom, vagom za doziranje cementa, kompresorom, sistemom za dodavanje aditiva te upravljačkim sistemom betonare), četiri vertikalna silosa za cement kapaciteta po 40 m<sup>3</sup>, deponije kamenog agregata - zvijezde, upravnog objekta sa garderobom i sanitarijama, internim manipulativnim i saobraćajnim površinama te zelenilom.

Objekt je priključen na javni gradski vodovodni sistem za potrebe sanitarne vode i vode u tehnološkom postupku proizvodnje betona. Ne vrši se povrat otpadne vode (nastala pranjem i održavanjem radnih površina betonare te pranjem automješalica za beton) u proizvodni proces, zbog kvara pumpne stanice. Isto važi i za talog cementnog mlijeka i čestica kamenog agregata koje se istalože u prostoru taložnika, koji je korišten kao nasipni materijal na lokaciji.

Talog se odvozi i na prostor kamenoloma Sklop, u vlasništvu podnosioca zahtjeva te se odlaže na prostoru namijenjenom za jalovinu. Manipulativne površine za rad oko objekta postrojenja betonare su betonirane i dijelom nivelisane prema taložniku. Nisu u potpunosti izvedene interne saobraćajne površine, kao niti potpuno ovičenje istih, kako je to naloženo prethodno izdanim vodnim aktom.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 3. dispozitiva rješenja, shodno odredbama Zakona o vodama, Uredbe o uslovima ispuštanja otpadnih voda u okoliš i sisteme javne kanalizacije i

Pravilnika o sadržaju, obliku, uslovima i načinu izdavanja i čuvanja vodnih akata, propisani uslovi kojih se investitor ima pridržavati.

Na osnovu provedenog postupka i utvrđenog činjeničnog stanja, doneseno je rješenje kao u dispozitivu.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13 ).

#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Fuad Mujagić, dipl. inž.

**Po ovlaštenju**

**Rukovodilac sektora za izdavanje vodnih akata**

  
**Haris Ališehović, dipl. inž. građ.**

Dostaviti:

- „Familija Liđan“ d.o.o. Cazin, Vrelo 16, 77 220 Cazin
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča-AVP Sava